

1997 nende Rose Stair Goodman. Okhuchora khulukaratasi lweikulu nende Edwin B. Wallace. Meryl Esenwein, bali ikulu nende khu tsikaratasi 10, 12, 14, 16, 27, 29, 39, 41, 42, 44, 46, 47 nende 48. Scripture text reprinted from the Bible in Oluluyia copyright 1975, by permission of the United Bible Societies Africa Regional Centre, Nairobi, Kenya.

NYASAYE YALONGA ESHIALO NENDE 1 EBILONJE EBILI NENDE OBULAMU

Haho khukhuchaaka Nyasaye yalonga likulu nende eshialo. —Genesis 1:1

Okhuba mumwenoyo nimwo omwa ebindu biosi bialonjela, mwikulu khandi mushialo, ebindu ebilolekha nende ebindu ebiralolekha ta . . . —Kolosai 1:16

Ikhabi yOMWAMI yibe khwinywe, OMWAMI owalonga likulu nende eshialo. Likulu nelikulu liOMWAMI; ne eshialo yashi-heelesia abaana babandu. —Tsitsabuli 115:15, 16

Nyasaye yaelesia omundu eshialo eshilamba. Soma akhatabu khano mana koolole eshiekholekha.

2 NYASAYE YAKHULONGA



Nyasaye naboola ari Khukhole omundu khwikondo lieefwe, shinga okhufwana khweefwe; khandi baruchenje tsinyeeni etsiomunyanza, nende amanyonyi akokhwikulu, nende tsisolo, nende eshialo shiosi . . . —Genesis 1:26

OMUNDU NABA OMWOYO OMULAMU 3

OMWAMI Nyasaye nalonga omundu olufu lweliloba, nafuuramwo mumooluke emiuyachie chiobulamu; omundu naba omwoyo* okuli nobulamu. —Genesis 2:7

OMWAMI Nyasaye naboola ari Shibuli bulayi omundu uno okhuba yenyene ta; ndalamukholela omukhoonyi oumukhoyeele. OMWAMI Nyasaye nahelesia Adamu tsindoolo tsinyinji, nitsimuyila; mana nayinia olubafulwe lulala nakalusiaho inyama habundu hatsana; nolubafu olwa OMWAMI Nyasaye yali nayiniye muAdamu, nalulonga omukhasi, namuleerela Adamu. —Genesis 2:18, 21, 22

*Omwoyo okuli nobulamu kumanyisia mbu kulimenya habundu hundi inziayo.

4

ADAMU NENDE HAWA SHIBAMURIA NYASAYE TAWE



Khularechelesia omulango kwa Setani tawe.

OMWAMI Nyasaye nabukulu omundu oyo, namura mumu- 5
kunda kwaEdeni, okhukulima nokhukulinda. OMWAMI
Nyasaye nalaka omundu oyo ari Khushia omusaala okwo-
mumukunda, olie shinga olwa wenyile; ne khumusaala
okwokhumanya obulayi nende obubii, oraliakhwo tawe;
shichila khunyanga eya olaliakhwo, okhuula ofwe.

—Genesis 2:15-17

INZOKHA EYILI LIDIMONI, KHANDI SETANI YALOKHA
OBUNYALI BWA NYASAYE NEIMALA YISUNGA OBUBEYI.

Inzokha niyibootelela omukhasi yiri Okhufwa shimulafwa
tawe. Nolwa omukhasi yalola omusaala nikuli omulayi
khulwa ebiliibwa, khandi nikunyonya tsimoni, khandi mbu
nomusaala okwenyekha khulwa okhuchesihasia, yabukula-
khwo khubiamo biakwo, nalia; nahelesiakhwo omusaa-
tsawe, yesi nalia.

—Genesis 3:4, 6

6 ADAMU NENDE HAWA SHIBANYALILWA OKHUMENYA MUMUKUNDA KULIA KHANDI TAWE



Kho OMWAMI Nyasaye yamurusia mumukunda kwaEdeni, mbu
alime liloba elia yarusibwamwo. Kho yeelusia omundu oyo;
naraho abakerubi khulubeka lwebukwe lwomukunda kwaEdeni,
khandi olumemu lwomulilo shinga olukanga olushiukhananga
tsimbeka tsiosi, okhulinda injila eyitsia hamusaala kwobula-
mu.

—Genesis 3:23, 24

YALI INYANGA YESHIBELA KHULWIBULO LWABANDU OLWA ADAMU NENDE HAWA BOONONA

7



... Shinga obwonooni olwa bweenjila mushialo khulwa
omundu mulala, nende okhufwa khulwa obwonooni; nindio
okhufwa khwatswanila abandu bosii....

—Abaroma 5:12

Eshiokhoyile Okhwitsulila

Bulimundu yebulwa nende imelo yobwononi ne inyanga yindi alifwa
shichila okhufwa khwetsa khulwa eshionono.

8 OBULOSIE BWA NYASAYE KHULWA OKHUKHUHONOKOSIA MUTSIMBI BWALI OKHUMURERA OMWANA WE MULALA



Ne aliibula omwana
omusiani; nawe olimuku-
likha eliira mbu Yesu;
shichila niye oulihonia
abandube okhurula mu-
bionoono biabwe.

—Matsayo 1:21

Khulwa okhubalikha mulala khwifwe, omwana wa
Nyasaye yetsa shinga omwana omutoro womundu.

Okhuba [Kristo Yesu] muye nimwo omwa obulamba bwosi
bwObunyasaye bumenyanga eshinambubili. —Abakolosa 2:9

YESU NE NYASAYE — MUMUFWANO KWOMUNDU

9

Khukhuchaaka Likhuwa yalinjiho, naye likhuwa yalinji nali-
ho halala nende Nyasaye, naye Likhuwa yalinji Nyasaye.
Likhuwa oyo niyeekhola omubili, namenya mwifwe....

—Yohana 1:1, 14

Ne kano kosi keekholile mbu mana amakhuwa.... Lola,
omukhaana omushisila alihela inda, niyeebula omwana
omusiani, ne balimukulikha eliira mbu Imanueli, eshisina
mbu, Nyasaye halala nineefwe.

—Matsayo 1:22, 23

Khulweefwe omwana yeebulwe, kuhuheelwe omwana omu-
siani; oburuchi nabwo bulabeetsanga khwibekalie, naye
alakulikhwana eliira, mbu Omwibaali Wamakana, Nyasaye
Wobunyali, Seefwe Wobumeli, Omukhulundu Womulembe.

—Isaya 9:6

10

YESU KRISTO — OMUSANGO KHWIFWE OMULAMBA

Oyo ouramanya obwonooni bwosi ta . . . —2 Abakorinzo 5:21



Shiyakhola eshionoono shiosi . . .
—1 Petero 2:22

Kubulao omusango okwa omundu yakhekasiye OMULAMBA okhurusiaho efonono tawe.

Shichila shikanyalikhwa tawe, amalasile ketsisurusi naketsimbusi okhuyinihwa ebionoono ta.

—Abaheburania 10:4

Yesu niye likondi lia Nyasaye. **Lole, Likondi liaNyasaye ngwoyo, ouyininjiaho obwonooni bweshialo.**
—Yohana 1:29b

YESU YAHANA OBULAMU BUBWE MBU KHUHONIBWE 11

Yesu yakhomwa khumusalaba kwomusala okhubela abandu beishinda shibamwenya tawe. Halali okhufwa khukhwe khwali tsiyemi tsia Nyasaye. Yesu, mukhwenya khukhwe omwene yehana obulamu-bwe okhuhonia ewe nende esie mutsimbi tsiefwe. Yesu nasunga ari, **Abulaho oumbuyiniakhwo, nebutswa omwene embuhaana. Endi nobunyali okhubuhaana, nendi nobunyali okhububukula khandi . . .**
—Yohana 10:18

EFWE KHUNUNULWA NENDE AMABANGA KE LIKONDI LIA NYASAYE

Mumanyile bulayi mbu ebia mwanunulilwa, okhurula mubwiyili bweenywe obukhaya obwa mwakaamilwa nabakuuka, shibiali ebindu ebibolanga, . . . nebutswa kali amatsayi akolukoosi muno, shinga akelikondi elibula eshikha kata eshironoyele shiosi, niko akaKristo.
—1 Petero 1:18, 19


Kubulaho omusango kundi kunyala okhuyinihwa eshionoono.

12 . . . Olwa khumalile okhubasilibwa obulunjishi khulwa amabangake, shikhulashila muno okhuhonibwa muburima khululwe?

. . . Yesu, unzitsulile olwa oleetsa mubwamibwo.

—Luka 23:42

Omwifi uno yasubilila mu Yesu mana nahonibwa.



. . . Naye namukalusia mbu Ekhuboolela toto mbu leelo khulaba ninawe muParadiso.
—Luka 23:43

Omwifi uno shiyasubilila mu Yesu tawe, kho nahonibwa tawe.

. . . Mbu olwa khwali nikhushili aboonooni, Kristo yakhufwila.
—Abaroma 5:8

BALIA BOSI ABASUBILILILANGA MUMWANA WA NYASAYE BALI NENDE OBULAMU 13

Okhuba Nyasaye yaheela muno eshialo, okhuula hukhuhaana Omwanawe omuteelwa, mbu omundu yesi oumusubilila aleshe okhutiba, ne mbi abe nobulamu bwobumeli.
—Yohana 3:16

Yakhuhonia mubwami bweshiilima, nakhuhuyia nakhuleera mubwami bwOmwanawe omuheelwa; ne muye khunyooolela obununulwi* bweefwe, nibwo obuleshelwi bwebionoono bieefwe.
—Abakolosai 1:13, 14

*Okhununulwa khumanyisinjia khwakululwa ne khucheesibwa.

14

ALAMUSHE!



Naye malaika nakalusia nasunjila abakhasi abo ari Muraria ta; shichila emanyile mbu mukhaabanga Yesu, owabambilwe. Shiali hano ta; okhuba alamuushe, shinga olwa yaboola. Mwitse mulole habundu ewa Omwami yayalisiibwe.

—Matsayo 28:5, 6

YESU YABUKHA OKURULA MUBAFU 15

Noubeetsangaho mwoyo; ndali omufu, ne lola, endi mwoyo ebisoni nebisoni, nendi nende ebibohololo bioluumbe nende biemakombe.
—Obufwimbuli 1:18

. . . Ne okhuba endi mwoyo, neenyu mwesi mulaba mwoyo.
—Yohana 14:19

Okhubela Kristo yahula okhufwa khandi ali nende olufunguwo lwolufu, bulano shikhukhoyele okuria olufu tawe.

Olwa emba niriitsanga ndalakhwisiika. —Tsitsabuli 56:3

YESU ANYALA OKHUHONIA EWE KHANDI AKHUSAYILANGA
Habula ye ali nobukuhani oburakalukhana ta, . . . Khandi niko akachilanga nanyala okhubahonilia elala abo abasitanga ahambi khuNyasaye khululwe; okhuba abeetsangaho mwoyo obushia nobushia okhubasaayila. —Abaheburania 7:24, 25

**16 EWE NENDE ESIE KHUNYALA
OKHUBA NENDE OBULAMU BWEINZIAYO**



Ni muanda shina okwa olondangakhwo?

Yesu Kristo niye INJIRA yokhutsia mubulamu BWEINZIAYO nende Nyasaye.

Lidimoni (Setani) niye injila yokhutsia OKHUFWA.

Omusiani uno yaula habwene obulamu obweinziayo.

OLAHULA SHINA? 17

... Lobole leelo luno aba mwenya okhukhalabanila ...
—Yoswa 24:15

... Kho lobola obulamu, obe mwoyo, iwe nolwibulolwo.
—Okhukalushila Mumalako Kamusa 30:19

YESU NIYE INJILA YOKHUTSIA MUBULAMU BWEINZIAYO
Ne obuhonia shibuli muwundi yesi ta; kata libulaho eliira lindi hasi welikulu elia abandu baheebwa, elia khukhoyile okhuhonilibwamwo.
—Ebikhole 4:12

Isie omwene, nisie OMWAMI; ne abulaho omuhonia undi yesi ta.
—Isaya 43:11

**18 NIKHWENYA OBULAMU OBWEINZIAYO,
SHICHILA SHINA NIKHWAHULA YESU?**

1. Kristo niye wetsa.

... Isie ndeetsa mbu babe nende obulamu ...
—Yohana 10:10



2. Kristo niye owakhuhela ifwe khandi nakhufwira.

... MuMwana waNyasaye, owa'heela niyeehaana omwene khulwanje.
—Abagalatia 2:20

Yesu yekhola omundu, mumubili khandi mumatsayi shingana ifwe, mbu mana munjila yokhufwa atibie

oyo owali nali nende obunyali bwokhufwa, niye Setani; 19 khandi mbu ababoholole abo bosu abalinji mumbohe tsindaalo tsiabwe tsiosi khulwa okhuria okhufwa.
—Abaheburania 2:14b,15

3. Amatsayi ka Yesu konyene niko omusala kwetsimbi tsiefwe.

... Okhuba amalasile niko akakholanga eshitiso, khulwa obulamu.
—Abalawi 17:11

... Amabanga kaYesu Omwanawe nako kakhusiinyanga khubwonooni bwosi.
—Yohana 1:7

Ne muye khunyoolela obununulwi bweefwe, nibwo obuleshelwi bwebionoono bieefwe.
—Abakolosai 1:14

20 4. Yesu niye owalamukha okhurula mubafu.



Nikumanyile mbu Kristo olwa yalamusibwa okhurula mukhufwa, shialifwa khandi ta; okhufwa shikhushilikhwo nende oburuchi khuye ta.
—Abaroma 6:9

Ne yabafwila bosu, mbu abali mwoyo baleshe okhubeet-sangaho mwoyo abeene bonyene ta, habula khu oyo owafwa khulwabwe nalamukha khandi. —2 Abakorinzo 5:15

Yesu nabola, ... Ne okhuba endi mwoyo, neenyu mwesi mulaba mwoyo.
—Yohana 14:19

5. Kenyekha khube nende Roho wa Kristo kho khu- 21 nyalilwe okhulamusiwa nikhwinjisibwa mubulamu.

... Kristo mwinywe, eshinoko shiobunaayi bwoluyali.
—Abakolosai 1:27

Ne Roho wa oyo owalamusia Yesu mukhufwa naba namanya mwinywe, ye owamulamusia Kristo Yesu mukhufwa alaheesia emibili chieenywe chioburulanda chiosi obulamu khulwa Rohowe oumenyanga mwinywe.
—Abaroma 8:11

KHAKA AMANI ROHO WA KRISTO AMENYE MWIWE
... Ne omundu yesi ouralikhwo nende Roho waKristo ta, oyo shialikhwo owuwe tawe.
—Abaroma 8:9

YESU YAHEELA ABAANA BOOSI 22



Nabachinga mumakhonoke, nabasabila ikhabi, nabareetsangakhwo amakhono.
—Mariko10:16

Ndamanya mbu Yesu yaheela okhuba indakano yimbilanga endio.

Ne Yesu nabalanga mbu beetse, nasunga ari Leshe abaana abatiiti beetse khumubili wanje; murabakaania ta; okhuba obwami bwaNyasaye nobwabafwana shinga abo.
—Luka 18:16

Kho kario khandi, Seenywe ouli mwikulu shiachama mbu mulala owokhubatuutu bano akore ta. —Matsayo 18:14

Shikatebia mbu oliwina nomba wamenya yena tawe, Yesu yakhuheela, khandi yakhufwila. Yesu yenyanga obuyeli bubwo wesi. Onyala okhumanyia. Obuheli bubwo khu Yesu khulwa okhumuhurira.

Nimuba nimu'heela, mulahulilanga amalako kanje.
—Yohana 14:15

Kata omwana yeelolosinja mubikholebie . . .
—Tsinjelo 20:11

24 SHINGANA ONYALA OKHUNYOLA INJILA YO EITSIA KHU NYASAYE


- 1. Fuchilila mbu oli omwononi (shiwamuhulila Nyasaye tawe).**
Okhuba bosu bayoonoona, nibaleema okhuula khuluyali lwaNyasaye. —Abaroma 3:23
- 2. Itsa khu Nyasaye okubirira khu Yesu Kristo.**
Okhuba aliho Nyasaye mulala, khandi wanjila mulala hakari waNyasaye nende abandu, niye Kristo Yesu, naye yesi nomundu. —1 Timotseo 2:5
Khandi niko akachilanga [Yesu] nanyala okhubahonilia elala abo abasitanga ahambi khuNyasaye khululwe . . . —Abaheburania 7:25
Yesu nabola, . . . Noyo owitsa khwisie shindalamusukuna elwany nahatuutu ta. —Yohana 6:37

3. Wikalukhasie okhurula mutsimbi tsio. 25

(Okhwikalukhasia khumanyisia okhwibelelela okhunji mana oleshe okhwonana.)


- Kho mwikalukhasie, nimu-shiukhana, mbu ebionoono bieenywe bisilisibwe. . .**
—Ebikhole 3:19
- Omwami . . . ne amwisimililinja inywe, nareenya mbu omundu yesi atibe ta, habula mbu bosu boole khubwikalukhasii.**
—2 Petero 3:9

4. Wikalukhasie ebienono bibio khu Yesu.
(Okhwikanila khumanyisia mbu okhumubolela nomba okhumwiyamila.)



26 Khu tsinyali tsilondakhwo khandika olubaso 1 Johana 1:9 olunyolekhangha khu amaknono kasayanga khulukaratasi namba 25.

5. Oleshe ebionoono bio.
(Okhulekha khumanyisia mbu osilile elala nomba shiolatsililila nafio tawe.)
Oufuunikhangha obwonoobwe shialakaasa ta; ne oubwiyamanga nabulekha alabeelwa tsimbabasi. —Tsinjelo 28:13
Wihaanye okhurula khububii, okhollenje obulayi . . .
—Tsitsabuli 37:27a



Okhuba mwahonibwa khulwa obukoosia, munjila yobusubili; . . . neshihaanwa shi-Nyasaye. —Abaefeso 2:8, 9

6. Musubilile Yesu Kristo. 27

Okhuba noba norumbula ebulafu nende omunwakwo shinga Yesu olwa ali ye Omwami, nende okhusuubila mumwoyokwo shinga Nyasaye olwa yamulamusia mukhufwa, olahonibwa.
—Abaroma 10:9

Nabo nibakalusia mbu Suubilila Omwami Yesu, kho olahonibwa, iwe omwene nende abeinzuyo bosu.
—Ebikhole 16:31

28 7. Injisia Yesu Kristo mumwoyokwo nende mubulamubwo.



Niwe wenyene ounyala okhwikula omuliango kwomwoyo kwo mana omwinjisie Yesu mubulamu bubwo. Yesu nabola, **Lola, esinjiile khumuliango nikhong'onda; omundu yesi naba nahulila omwoyo kwanje, niyeekula omuliango, ndaleenjamwo, nindia ninaye ebiliibwa, naye ninasi.**

—Obufwimbuli 3:20

Ne bosu abamwinjisia, yabahelesia obunyali okhwikhola abaana baNyasaye, mbu abo abasuubilila eliiralie.

—Yohana 1:12

OBULOSIE BWA-MASAYO

29

Kakhaba oshili okhusaya khwo tawe mana wenyanga obukhonyi mumasayo, onyala okhukalushila mubulosie bwamasayo kalondakhwo ori nanwa:



Oh! Omwami Yesu,

Oriomuno okhufwila khu musalaba mana neumbiniakho ebionono bianje. Ndibeleda khukeshisinyo kendakhola. Ekhusaba mbu nochama winjile mumwoyo kwanje mana omenyemwo tsinyanga tsiosi. Ekhusubilila isayino mbu osiye omwoyo kwanje kube omweeleshe ekhubukula ewe obe omuhonia khandi omwami wanje.

Mulira lia Yesu, Amina.

30 NOLI NENDE YESU MUMWOYOKWO, OLI NENDE OBULAMU OBWEINZIAYO

...Nyasaye yakhuhelesia obulamu bwobumeli; nabwo obulamu obwo buli muMwanawe. Ouli nende Omwana ali nende obulamu tsana....

—1 Yohana 5:11, 12

... Emusunjila mbu ouhulila likhuwa lianje, nasuubilila omwenoyo owaruma... nebutswa amalile okhubira okhukhula mukhufwa okhwinjila mubulamu.

—Yohana 5:24

Kata nofwa mumubili, mumwoyo oli nende Omwami (2 Abakorinzo 5:8).

... Kristo mwinywe, eshinoko shiobunaayi bwoluyali.

(Abakolosai 1:27).

Kakhaba orebile Yesu akhuleshele tsimbi tsitsio mana omusubilile shinga omuhonia wuwo. Handika elira lilio hano:

SHINGA ONYALA OKHUTSILILILA NENDE YESU

31



Soma Tsimbaso okhurula mundakano (Likhuwa lia Nyasaye) buli nyanga mana otsibishe mumwoyo, otsihilisinjije khulwa tsilakukhonya. (Tsinyinji tsili mukataabu khana.)

Buli lihandiiko elia Nyasaye yaheelamwo omuyakwe likaa-silanga obwechesii, nobukondesheli, nobukololosii, nobwibaali obuchooma khubulunjishi.

—2 Timotseo 3:16

32 BOLA NENDE YESU MUMASAYO ESHISE SHIOSISHIOSI



Khupila Yesu orio khumalayi kosi mubulamu bwo **mwitsomie** khukayakhukholela nende okuhonia omwoyokwo. **Saya khushiosi eshiawenya**, saya mulira lia Yesu.

... Mbu nikhuba nikhusaba likhuwa liosi eliwinjana nende aka ye yeenya, akhuhulilanga.

—1 Yohana 5:14

... Nimusaayilana....

—Yakobo 5:16

Nasi emusunjila mbu Heelenje abasuku beenywe, nimubasaayila abamusakania.

—Matsayo 5:44

LISALA LIA YESU YECHESIA BEECHI BEBE

33

(Omwechi ne omulondi wa Yesu.)

Yesu yabolela abeechibe basaaye bari nanwa:

Mbu E Seefwe, ouli mwikulu, Eliiratio liriibwe. Obwamibwo bwitse. Aka wenyha keekhole mushialo, shinga olwa keekholanga mwikulu. Okhuhelesie leelo ebiliibwa bieefwe bialeelo. Nokhuleshela amakobi keefwe, shinga ifwe olwa khubalesheele abeekobi beefwe. Norakhuyila mukhuteemwa ta, ne okuhonie mububii. Okhuba obwami, nende obunyali, nende oluyali, nebibio, ebisoni nebisoni. Amina.

—Matsayo 6:9-13

Lino nelisaaya likhooyile okhuyililisingwa. Abasubila bama-langa balisaaya nende omwoyo kweikulu.

**34 AMALAKO KA NYASAYE EKHUMI
KAKWECHESIA NGALA KHUNYALA OKHUMENYA**

(Okhurula Isula ya 20)

Akambeli kane kasunga khubuheeli bwefwe khu Nyasaye

1. Orabeetsanga nende nyasaye undi ta, habula isie sienyene.
2. Oreekholela eshifwanani eshibaatsa, kata obukondo bweshindu shiosi eshili; ... orabiinamilanga kata okhukhalabanila ta.
3. Orarumbulanga butswa eliira liOMWAMI Nyasayewo ta.
4. Yitsulilanga inyanga yeisabato, okhuchiahulanga.

Akamalilisia kasasaba kasunga khubuheeli bwefwe khu mundu

AMALAKO EKHUMI (katsililwa)

35

5. Heelesinjia so nende mawo oluyali.
6. Oreera omundu ta.
7. Oraheya ta. (Obuyeyi nobuyilani bwo omukhasi nomba omusatsa wulali omwisikwa tawe.)
8. Oreeba ta.
9. Orachiikha owashio ta.
10. Orakhaayilwa inzu...owashio ali ninashio tawe.

**OKHUHULIRA NYASAYE KHULERANGA
AMAKALUSIO AKA AMASAYO KEFWE**

Ne eshia khusaba shiosi khunyoologa khuye, okhuba khuhulilanga amalako, nikhukholanga ako aka achama.

—1 Yohana 3:22

36 AMALAKO KABILI AMAKHULUNDU

Obuheli khulwa Nyasaye

1. Naye namuboolela mbu Omuheelenje Omwami Nyasayewo nende omwoyokwo kwosi, neshiimoshio shiosi, nobuyililisiibwo bwosi. Lino nilio lilako likhongo khandi neliambeli.


—Matsayo 22:37, 38

Obuheli khulwa Omundu

2. Nelindi eliakhabili, elifwanana ninalio, ndielino, mbu Oheelenje owashio shinga olwa wiheela omwene.

—Matsayo 22:39

Amalako ekhumi (lwa 34-35) kosi kaambasibwa mumalako amakhulundu kabili.



OBUHEELI NILIO LIKHULUNDU KHU KOSI 37

“Likhulundu "Isula Yobuheeli”

(1 Abakorinzo 13:1-8,13)

¹Ne bulaano enzitsa okhumumanyia injila eyishila obulayi. Kata nimba nimboolela mutsinimi tsiabandu netsiabamalaka, ne nimbula obuheeli, endi butswa shinga omukasa okulanjilila, kata ebisili ebisaala. ²Ne kata nindi neshihaanwa shiobulakusi, ningamanya amabiso kosi nende obumanyi bwosi; kata nindi nobusuubili bwosi, obwakhanyala okhusitia tsingulu, ne nimbula obuheeli, shindi eshindu ta. ³Ne kata ningabila abatakha emiandu chianje chiosi banyoole eshiokhulia, nende okhuhaana omubili kwanje kusambwe mumulilo, ne nimbula obuheeli, shikungaasila eshindu ta. ⁴Obuheeli bwisimilisinjia, nibukhola akeshisa; obuheeli bubula imbalikha; obuheeli shibwiboola ta,

- 38** shibwichinjimisia ta, ⁵shibukhola akarakhoyeele ta, shibukhaabanga akabwo obwene ta, shibusinyikhanga ta, shibwitsulilanga amabii aka bukholelwa tawe; ⁶shibwikhoyela obumayaanu ta, ne bwikhoyelanga obwatoto; ⁷bwifwila kosi, busuubila kosi, bunaaya kosi, buralila mukosi. ⁸Obuheeli shibuhweelelelanga ta; ne kata obulakusi nibuliho, bwitsa okhwakama; kata tsinimi nitsiliho, tsiitsa okhuhwaho; kata obumanyi nibuliho, bwi tsa okhwakama.

¹³Kho akatsilililanga ngakano, mbu obusuubili, obunaayi, obuheeli, ako kataru; ne khuko, elishila kosi nobuheeli.

NYASAYE NOBUHEELI

...Nyasaye niye obuheeli; ne oumenyanga mubuheeli amenyanga muNyasaye, naye Nyasaye amenyanga muye.

—1 Yohana 4:16

**YESU AKHWENYANGA MBU OBOLELE 39
ABANDU AKOBULELI**

(mwitokho, mwisomelo, muhekalu, habundu hosihosi)



Yesu nabola, Ne namusunjila ari Winyoshe otsie ebananzuwo, khubandu beweenywe, obaboolele amakhuwa aka Omwami yakhukholelele shinga olwa kali amakhongo, khandi shinga olwa akhubeleelele tsi-mbabasi.

—Mariko 5:19

**40 NGALA ONYALA OKUMANYA
OMWANA OMWISIKWA WA NYASAYE**

Khwikhuwa lino abanbu bosu balamanyilakhwo shinga olwa muli abeechi banje, nimuba nimuli nobuheeli abeene khubeene.

—Yohana 13:35

Ne ebiamo biaRoho mbiebino; mbu obuheeli, obusangaafu, omulembe, obwifwili, eshisa, obulayi, obwisiikwa, obuholo, obwiruchi....

—Abagalatia 5:22, 23

OMWANA OMWISIKWA WA NYASAYE ALESHELINGA ABASHIE
Shichila nimuba nimubaeshela abandu obuyiiri bwabwe, Seenye owomwikulu naye alamuleshela inywe.


—Matsayo 6:14

AKESHISINYO KHU NYASAYE

Mbu obuhenji bweisunga, olulimi olubeeyi, namakhono aka-raatsinjia amabanga kababula eshiuku; omwoyo okurechekhanga amayililiso amamayaanu, nebilenje ebianguhanga okhwi-ushila amabii; omuloli omubeeyi ouboolanga akobubeeyi, nende oyo oumiitsanga inzoka mubeebulani.

—Tsinjelo 6:17-19

Litunda
lia
Roho



Ikhola ye
shinamubili

IKHOLA YE SHINAMUBILI: 41

... Biene mbiebino, mbu obuheeyi, ... obwinamili bwebi-fwanani biabutswa, obufila, obusuku, ... oburima, obuyingani, obukabukhani, emiahukho, imbalikha, obumeesi, obulangu, ... mbu abakholanga akafwana kario shibalilia obulaame bwobwami bwaNyasaye ta.

—Abagalatia 5:19-21

... Kata abatanyana, ... kata abalangukhu, kata abameesi, ...

—1 Abakorinzo 6:9-10


**LEKHA YESU AKHWITSUSIEMWO ROHO WUWE
MANA OBE OMWELELESHE**

Ne abandi khwinywe mwalinji murio; ne inywe mwoosibwa, khandi mwaahulwa, ... liOmwami Yesu Kristo, khandi muRoho waNyasaye weefwe.

—1 Abakorinzo 6:11

42 EKOMBE NE ABUNDU ALIHO

(Soma Luka 16:19-26.)



Khaka amani khukhumu-subilila Yesu Kristo khulwa alaandika eliira lilio mushitaabu shiobulamu.

Kata omundu yesi ouranyoolekha niyahan-diikwa mushitabu shiobulamu ta, yesi yasukunwa munyanza yomulilo.

—Obufwimbuli 20:15

**YESU NIYE YINJILA
YOKHUTSIA KHU NYASAYE**

43

... Nyasaye yakhueelesia obulamu bwobumeli; nabwo obulamu obwo buli muMwanawe.

—1 Yohana 5:11b

Okhuba omushaara kwobwonooni nokhufwa; ne eshihaanwa shiaNyasaye nobulamu bwobumeli muKristo Yesu Omwami weefwe.

—Abaroma 6:23

Ousuubililanga Omwana ali nende obulamu bwobumeli; ne ouramuhulila Omwana ta shialalolakhwo obulamu tawe, ne oburima bwaNyasaye buba khuye.

—Yohana 3:36

Yesu namubooela mbu Isie nisie injila, khandi obwatoto, khandi obulamu. Abulaho owitsila Papa narabirila khwisie ta.

—Yohana 14:6

44 LIKULU NE ABUNDU ALIHO



Mbufwimbuli 21 Yohana yalola mumalolelo likulu liyiakha nende eshialo eshiyakha.

Aleeya amasika kosi mumoni tsiabwe; kata okhufwa shikhulabaho khandi ta; kata shikhulabaho okhwikhuula, kata okhuliila, kata okhusaalila khandi tawe; ako akaranjilila kahweele. Ne owali niyeeekhaale khushifumbi shioburuchi niyaboola, ari Lola, engalula biosi bibe ebiya....

—Obufwimbuli 21:4, 5

Khandi nalola litookho litakatifu, Yerusalemu Imbiakha neyikhanga okhurula mwikulu ewa Nyasaye. ... Nalio litookho liali lieitsahaabu inzeleleshe, shinga eshihoo eshieleshe. Amachina komuse kwolukoba lwelitookho kali nikang'oonelwa amachina kobukusi obutinyu, tsembia tsiako tsiosi....

—Obufwimbuli 21:18, 19

**YESU YATSIA OKHUKASILIA
ABAMUSUBILILA HABUNDU**

45

Omwoyo kweenywe kuleshe okhubeeyabeeya ta; musuubililanga Nyasaye, musuubilile isie siesi. Munzu yaPapa mulimwo ebimenyo ebinji; nikaba nikarabeele kario ta, khane ndakhamubooleele; okhuba enzia okhumukasilia habundu. Ne nimba ninzia nimukasilia habundu, ndaleetsa khandi nimwinjisia ewanje, mbu ewa endi isie, nineenywe mwesi mubeho.

—Yohana 14:1-3

Yesu nabola, Mana nabasunjila ari Mutsie mubialo biosi pe, nimwilwatsila ebilonje biosi Injilli.

—Mariko 16:15

... Ne amahababa kabukula obulamu bwabandu.

—Tsinjelo 11:30

46 AKA NYASAYE ALACHILISIA ABAANA BEEBE

... Kata okhukhwibala nahatuutu ta. —Abaheburania 13:5
Shichila alalachilisia abamalaikabe khukoko, okhukhulinda munjilatsio tsiosi. —Tsitsabuli 91:11



... Ne abulaho ounyala okhukarimula mumukhono kwaPapa ta. —Yohana 10:29
... Endiho nineenywe halala tsindaalo tsiosi, kata okhuula khushiyesi shieshise shino. —Matsayo 28:20

Oraria aka oli ahambi okhusaalisilibwa ta; ... Obeetsenje omwisiikwa okhuula khukhufwa, kho ndalakhuhelesia olusimbi lwobulamu. —Obufwimbuli 2:10

Ari Uhaabile, nasi ndalakhukalusawo.... —Yeremia 33:3

YESU ACHELELENGA KHANDI 47

Buli mundu alilamusibwa okhurula mubafu.

... Okhuba eshise shiitsanga olwa bosu abali mubilindwa balahulila omwoyokwe, nibarulamwo; abo abakholanga obulayi balarulila obulamushi bwobulamu; nabo abakholanga obubii balarulila obulamushi bwobukhalakwi. —Yohana 5:28, 29



Abafwila mu Kristo bali ranjilila okhulamukha.

Mana ifwe ababa nikhushiliho mwoyo khulakaamwa ninabo halala mumaleesi, okhwakaana nOmwami mulwanga; mana khurio khulabeetsanga nOmwami tsindaalo tsiosi. —1 Abatsalonika 4:17

... Nimuba meeso, [musaayenje]; shichila shimumanyiile induukho olwa yiliula ta. —Mariko 13:33

48 YESU ALIITSA ARIENA?



Lole, yeetsa namaleesi; ne buli imoni yilamulola.... —Obufwimbuli 1:7

Obe meso khulwa kristo bobubeyi nende abaanabi bobubeyi. Mundaalo etsio omundu naba namusunjila ari Lole, Kristo ngowuno; kata mbu Ngwowulia; murafuchiilila ta. Kho nibaba nibamusunjila bari Lole, ali mushitsiimi; murarula tawe; bari Lole, ali munzu mukari; murafuchiilila ta.

—Matsayo 24:23, 26

YESU ALIITSA LWANGU MUMALESI

... Mana tsimbisa tsiosi tsiabomushialo tsiliikhuula, ne balilola Omwana wOmundu niyeetsa mumaleesi akomwiku nende obunyali noluyali olunji. —Matsayo 24:30

ITSABULI YOMWAYI

(Tsitsabuli 23)

¹OMWAMI niye omwayi wanje; shindalatamba eshindu shiosi ta. ²Yagoninjia mubwayilo bwomuboka omulayi; yanzayilanga hamatsi amalenjeelu. ³Yameetelanga amaani mumwoyo; yanzimililanga munjila tsiobulunjishi khulwa eliiralie.

⁴Ne kata nimba nimbira mwibanda lieshiinikha shioluumbwe shindalaria libii liosi ta; shichila endi ninawe halala; indabushiyo nende omutiichilokwo bineminjia omwoyo.

⁵Ungasilinjia imeesa imbeli wabasuku banje, unzushiililanga amafura khumurwe; eshikombe shianje shiitsuule, shisundukhanga.

⁶Toto, obulayi nende obuheeli oburalilu bilalondana ninasi tsindaalo tsiosi tsiobulamu bwanje; nasi ndalamenyanga munzu yOMWAMI inziayo.

If you are interested in receiving additional studies of God's Word, write to the publisher in English.

World Missionary Press, Inc.
P. O. Box 120
New Paris, Indiana, 46553-0120 U.S.A.

Shino shishilakusibwa tawe

2231 Luyia WTG

